

南宮縣志卷二十二

鹽山賈恩紱編輯

掌故志

兵事篇

河北西負太行東襟渤海平原膺膺以深冀二州縮轂其中
央河北有事則不幸往往被兵所謂四戰之國也南宮西接
隆平東連武城北隣冀州南控威縣四隅所至前有清河鉅
鹿北有新河棗強皆古之趙地而後之廣平趙州大名諸郡
也史冊所載率標州郡之名而略縣邑間及一縣非有特殊
事實不爲著茲編採集前聞凡隣州隣郡兵事之勢必殃及
者皆不遺之其恍忽難定者從略用備此邦之實錄焉西漢

以前尙已南宮兵事之見於史者以光武之徇河北爲首倡

更始二年光武以王郎新盛乃北徇薊至盧奴

今定縣

耿弇迎

與俱北至薊王郎移檄購光武光武晨夜南馳不敢入城邑

舍食道旁至蕪蕪亭

今饒陽東北

天寒馮異上豆粥至饒陽侍吏

進食從者饑爭奪之侍吏疑其僞椎鼓數十通曰邯鄲將軍

至時王郎方據邯鄲也官屬皆失色光武故爲鎮定久之乃

行至下曲陽

今晉縣

傳言王郎兵在後至滹沱河無船不可渡

王霸往視詭言冰堅可渡比至河冰果合未畢數騎而冰解

遂至南宮遇大風雨光武引車入道旁空舍馮異抱薪鄧禹

蒸火光武對灶燎衣異復進麥飯進至下博惶惑不知所之

有白衣老父指曰努力信都郡爲長安城守去此八十里光

武卽馳赴信都時郡國皆降王郎獨信都任光和戎邳彤不

肯聞光武至大喜王霸與邳彤合兵列營於南宮東南十五

里今號王霸寨者以此

詳古蹟下

光武以二郡兵單任光又發旁

縣兵四千人時南宮卽信都太守所轄旁縣中必有南宮也

以信都令萬修爲偏將留宗廣領信都太守拜任光邳彤等

皆爲大將軍將兵擊王郎馳至鉅鹿界光武投暮入堂陽

今新

河

界多張騎火彌滿澤中堂陽卽降又進攻下曲陽降之復

北擊中山進拔盧奴

今定縣

至柏人破郎將李育或說光武以

守柏人不如定鉅鹿光武乃引兵東北拔廣阿

今隆平

今南宮

西界也會寇恂耿况彭寵等率漁陽兵來會遂定涿郡中山

鉅鹿清河河間凡二十二縣南宮亦諸縣之一也自光武抵

河北以至追斬王郎其往來戰守約不出信都堂陽廣阿鉅

鹿諸地皆南宮之隣境其時干戈搶攘當以南宮爲尤甚五

胡之亂晉永嘉二年漢主劉淵遣石勒攻常山三年石勒復

寇鉅鹿時郡治瘦陶又寇信都殺冀州刺史王斌陷冀州百餘壁

明年勒復寇冀州諸郡祁宏敗其將劉靈於廣宗殺之鉅鹿

屬縣之廣宗南繚卽今鉅鹿皆接南宮勒集鉅鹿郡衣冠人物別

爲君子營又連年攻信都六年勒據襄國分遣諸將攻冀州

郡縣運穀以輸襄國出沒縱橫盡在南宮左右史雖未及南

宮而此邦之兵燹連年必不能免可知也是年冬又攻冀州

殺刺史王象七年卽建興元年石勒攻李暉於上白斬之上白者

當時之廣宗今之威縣境也及冉閔篡趙後趙故將石琨奔

冀州姚弋仲據灑頭

今棗強東北

石祗自立於襄國冉閔攻祗祗

求救於姚弋仲弋仲遣其子襄救之石琨亦引兵援祗閔拒

襄於長蘆

疑是今深縣之胡蘆非今滄縣之長蘆也

拒琨於黃邱

今東鹿境

閔兵自南

而北琨襄自北而南皆與南宮有連風鶴之警抑又甚焉前

燕伐趙多在中山以趨西南南宮當不被兵太和五年苻秦

王猛伐燕其別將鄧羌攻信都猛長驅直入苻堅以精兵十

萬繼之慕容暉奔龍城猛遣郭慶追及於高陽執之堅釋令

還鄴投誠由是燕所轄一千五百七十餘縣悉爲秦有大元

八年苻堅破滅慕容垂拔據中山是日後燕垂遣慕容溫攻

信都不克慕容麟益兵助溫苻定苻紹皆降麟又拔常山中

山勢大振秦平州刺史苻冲求救於鮮卑劉庫仁大敗燕軍

進據唐城

今定縣地

丁零部翟真叛燕與苻丕相結遣邵興招集

郡縣垂遣慕容隆擊興敗興於襄國

今邢台

興走至廣阿

今隆平

爲慕容農所執於是冀州郡縣復從燕慕容農又自信都擊

丁零翟遼遼退保無極翟真爲燕兵所擊亦北趨承營

今定縣界

慕容會與慕容麟共攻翟真真西走行唐爲其下所殺垂建

節將軍徐巖叛於武邑驅掠四千餘人北走幽州所過寇暴

慕容隆自信都徇渤海清河而秦苻定據信都燕以慕容精

爲冀州刺史以討定時大元十一年也明年燕寺人吳深反

于清河慕容垂攻拔之深單馬走渤海人王祖張申亦叛燕

連翟遼吳深等以寇掠清河明年攻廣平慕容麟及楷隆會

於合口擊敗之祖申旋歸罪投誠二十一年慕容垂欲擊魏

遣征東將軍平規發兵冀州規以冀州武邑博陵三郡兵反于魯口垂自將擊規規敗走垂尋死拓拔珪大舉伐燕進攻常山拔之常山以東諸郡縣皆附于魏惟中山鄴信都三城爲燕守魏將王庭攻信都六十餘日不下拓拔珪自將攻之慕容鳳奔中山信都降蓋後燕初立與秦之守將戰繼與叛將戰終與北魏戰凡廣阿信都清河諸戰地池魚之殃南宮皆應當之矣元魏正始三年冀州刺史王愉反遣尙書李平討揜之延昌四年冀州沙門法慶與渤海李歸伯作亂法慶自號大乘以妖術惑眾又合狂藥令人服之父子不相識惟以殺害爲事右光祿大夫元遙破大乘賊揜法慶及渠帥百餘人孝昌三年葛榮陷殷州時州治廣阿今南宮隣境之隆

平也殺刺史崔楷遂圍冀州城陷刺史元孚等被執都督潘佑叩頭請代孚榮義其行同禁五百人俱釋之葛榮爲盜日久盡得冀定滄瀛殷五州有眾二十餘萬橫行河北大都督爾朱榮出滏口以奇兵擒之五州乃平永安四年爾朱兆遣孫白鶴至冀州調發民馬陰實欲收河北高乾及弟敖曹知之乃與封隆之襲信都殺白鶴奉隆之行州事移檄州郡共討爾朱氏高歡率兵聲言討信都密與高乾通謀遂與隆之合立拓拔朗卽位信都歡自爲丞相擊爾朱兆大敗其軍於廣阿以上皆元魏時信都變亂之最著波及南宮者也高齊河清元年冀州刺史高歸彥作亂段韶婁叡討斬之宇文滅齊齊廣寧王高孝珩任城王潛起兵信都謀匡復周遣宇文

憲楊堅擊之涪與孝珩俱被執高齊一朝兵事見於此邦者

惟此隋大業七年湯帝伐高麗天下大亂裔人高士達聚眾

于清河

城在今境懸空村左近詳古蹟

境上爲盜竄建德率二百人歸之九

年清河張金稱亦聚眾爲亂右侯衛將軍馮孝慈討金稱於

清河孝慈敗死金稱攻陷鉅鹿清河諸縣尋爲太僕楊義臣

所敗逃於清河之東清河郡丞楊善會捨斬之竇建德收其

餘眾北陷饒陽河間遂不可制陷易定冀州建德破滅而其

將劉黑闥益猖獗唐武德三年陷冀州殺刺史麴積李世勣

方卓宗城

今威縣境

黑闥進逼大敗之殺步卒五千世勣僅以身

免此隋亂之擾及南宮者也天寶中安祿山反藩鎮禍連數

十年此邦適爲河北中衝常山眞定爲賊所必爭勿論已南

宮隣境之見諸史籍者顏杲卿挫劔之後信都等郡復爲賊守李光弼郭子儀擊敗史思明賀蘭進明遂拔信都及郭李移兵救潼關清河等郡相繼陷烏承恩復以信都降賊河北諸郡縣悉爲賊有此安史初亂之所蹂躪也此後則藩鎮之亂矣上元三年魏博節度田承嗣反承嗣遣裴志清攻冀州志清以其眾降承嗣自將圍冀州李寶臣張孝忠將精騎禦之承嗣遁去興元二年田悅王武俊與朱滔携貳滔怒遣馬實攻拔宗城經城皆今威縣境等縣自引兵圍貝州卽今清河引水環之刺史邢曹俊嬰城固守百餘日不下李抱眞遣人說王武俊合兵攻滔於是武俊軍於南宮東南抱眞自臨洺來會連營距貝州三十里而軍滔進戰武俊遣其兵馬使趙琳率五

百騎伏於桑林

直經城西南

抱眞列方陣於後武俊引騎兵居前

比戰趙琳自林中出橫擊之滔軍大敗長慶元年成德都知兵馬使王廷湊殺魏博節度使田宏正朝廷震駭乃以田布爲魏博節度使以討廷湊廷湊又殺冀州刺史王進岌分兵據其州田布將全軍討廷湊屯於南宮之南拔其二柵以饋運不給乃發魏博貝衛澶相六州租賦以供軍其牙將史憲誠欲篡布位因鼓扇將士謂不當重累六州會有詔分魏博兵於李光顏布軍大潰多歸憲誠布獨與八千人還魏太和元年李同捷據橫海以叛

今滄縣

朝廷詔史憲誠等討之同捷遣人以魏博節度昭憲誠之兵馬使元志紹志紹因作亂憲誠告急詔義成節度使李聽率諸軍討志紹志紹遂與成德

合兵攻掠貝州

今清河

三年李聽擊破元志紹志紹乃奔鎮州

今正定

此皆藩鎮之爭據也唐末梁晉相持而鎮州之王鎔橫

海之劉仁恭皆附梁以拒晉光化二年劉仁恭欲兼河朔攻

拔貝州屠其城萬餘戶諸城因皆堅守不下天祐二年魏博

牙將史仁遇叛羅紹威求救于李克用克用遣兵救之爲梁

將張筠所要擊遁去劉守文遣兵攻貝州又攻冀州拔蓓縣

鎮州將王釗亦攻魏州叛將于宗城朱全忠遣王釗歸救冀

州守文兵去全忠遂巡北邊入于魏魏之亂兵散據貝博者

全忠悉討平之此皆唐末梁晉爭雄之日也洎朱梁篡唐其

爭益烈貞明元年梁大將劉鄩以晉兵盡在魏州晉陽必虛

乃潛引兵自黃澤西去晉將周德威聞鄩兵西出引千騎救

晉陽至土門鄆已整眾下山屯於宗城馬死殆半知臨清有蓄積欲據之以絕晉糧道德威急追至南宮捨其斥堠者斷腕而縱之日周侍中已據臨清矣詰朝略鄆營而過入臨清鄆引軍趨貝州軍堂邑德威攻之不克翼日軍於莘縣而守之時李存審久圍貝州至是李存勗令存審守莘而自勞軍於貝州聲言歸晉陽鄆聞之兵趨魏州存勗存審自貝州攻其後鄆大敗此梁晉相持爲此邦著名之大戰也石晉以十六州賂契丹河北中境南境外患由是日亟以迄于宋其最著者天福六年成德節度使安重榮與遼構釁重榮舉兵反石敬瑭遣杜重威討之與重榮遇於宗城西南今南宮之南隣也重榮爲偃月陣晉軍擊之不動王重胤以遼兵直衝其

中堅重榮兵稍却其排陣使趙彥之降晉重榮大懼退還遂

大潰重榮走保宗城晉軍進攻拔之重榮走還鎮州

今真定

冀

州刺史張建武乃取趙州趙冀皆重榮屬境也開運元年出

帝與遼失和遼攻貝州知州吳巒悉力拒之燒遼攻具殆盡

軍校邵珂引遼兵入城巒赴井死出帝與遼主大戰於澶州

遼兵分兩軍一出滄德一出深冀而歸方廣千里所過焚掠

幾盡時遼以趙延煦爲貝州留後出帝以張從恩爲貝州行

營都部署督諸將擊延煦延煦乃縱火大掠棄城北遁貝州

故城卽在今南宮境上宗城境卽威縣北境之經鎮一帶冀

州乃縣之北境也遼晉之戰南宮實當其衝而焚掠亦最酷

周廣順二年遼兵渡胡盧河至冀州周兵拒却之三年遼兵

入鎮州爲周兵擊走復掠樂壽

今獻縣

自鎮州至樂壽中間所

過州縣亦當在南宮棗強景州之境宋興以後契丹屢擾深
祁易冀滄瀛諸州宋拒之亦互有勝負貝冀之間無可紀者
至澶淵一役宋遼構和寇患稍息何承矩又創水利以限遼
兵河北之外患益減惟慶曆七年王則之亂爲貝州猝發之
禍王則涿州人以歲飢至貝州爲人牧羊後隸宣毅軍爲小
校貝冀俗尙妖幻相與習五龍滴淚等經造言釋迦衰謝彌
勒當興則幼時母刺福字于背妄傳福字隆起爭信事之約
以明年元旦斷澶州浮梁爲亂會其黨持書謁北京

今大名留

守賈昌朝事覺被執則遂先期反劫庫囚貝州知州僭號東

平郡王建國曰安陽改元旗幟號令率以佛爲稱詔以王信

爲貝州城下招捉都部署明鎬爲河北安撫使明年鎬以貝州城峻難攻築距闔高與城齊將成爲賊所焚乃復穿南城地道而日攻其北以牽制之又命文彥博爲宣撫以鎬爲副彥博至貝州鎬穿地道適竣遂遣壯士夜半從地道入登城垂縵以引官軍賊縱火牛官軍以槍中牛鼻牛返奔賊大潰開東門遁王信捨則檻送京師磔之則據城凡六十六日乃改貝州爲恩州此後遼兵有事多在塞上金寇中原亦多由西路貝冀罕見于史元明清三朝定鼎燕京河北以畿輔之故晏然不見兵革土寇竊發則間有之兩國交戰之爭則罕聞矣元代畿南無事明初燕王分兵兩路以攻南京西路嘗掠真定大名順廣諸府其時燕兵所過各州縣義民目爲叛

逆爭抗拒之燕王憤甚燕京以南所過爲墟屠戮無遺萬厯志載永樂三年山西民申外山等上言請分丁於眞定南宮等州縣占籍爲民其時閭無人烟可以想見蓋燕王篡位之後於行軍時殘暴之行均屬諱之

鹽山志記義民錄一書頗詳之

惟遷民實

繼輔河北全省皆然爲事實之不可掩者誠人民之浩劫也然遂取順守定鼎燕都以後全省永無紅羊之禍惟土匪草寇未能盡免正德六年霸州賊劉六齊彥名等聚眾數千畿南大震明年分爲二路劉六劉七齊彥名轉擾魯豫鄂江西諸省仍由故道還據霸州楊虎趙鏃轉擾豫晉自西而東踰曲周威縣還據文安

鏃文安人

河間縱橫數千里殘破州縣以百

數光緒志所載大肆焚劫者疑卽楊趙一路所擾亦巨寇也

崇禎十一年清兵入墻子嶺連下畿南七十餘縣知縣林起元夫婦死之當時城陷之日義士烈女死者綦眾慘劫可想康熙諸志皆不載是事殆以爲清代諱并起元之死亦不載其失實甚矣十四年夏土寇華貴擁眾數千攻城掠邑上官所遣鎮守者屢戰不利武舉鄭其志有膽畧閭縣紳民公舉其志勦賊其志懸賞格設疑伏與賊戰于五里鋪西賊大潰斬獲無算賊乃糾合甯晉鉅鹿新河諸盜大舉圖報復其志出城迎敵斬首千餘級復率鄉兵直抵賊巢不數月崔苻肅清十七年闖賊陷京師分兵陷南宮知縣彭士宏不屈死之賊設僞官逼勒縉紳清兵入關賊勢瓦解而土寇蜂起太史杜鎮家居爲民望所屬鎮乃集士民而誓諸神前激昂慷慨

民氣爲壯選丁壯清保甲簡器械立賞格及賊薄城下將穴城以入乃募勇健者自門隙下鉤致之磔諸城上賊始驚潰賊又糾集河北諸盜號曰數萬將攻城鎮益嚴號令城內寂然及近城以火砲擊之潛啟東門出其不意搗其中堅賊駭愕不知所爲中夜拔營遁鎮復訓練民兵使各自爲守互爲應援賊圍張家莊鎮遣壯丁以輕騎襲之賊望風遁又合鄉勇焚其附近巢穴賊益無所容四境安堵鎮之力爲多是年棗強賊李本吾肆行焚劫公推諸生劉延煌集眾討平之明一代變亂見於前志者盡此矣順治三年山東賊李四秫秫率馬賊數千攻南宮延煌統鄉勇斬賊首楊大賊敗遁康熙十四年白蓮教匪陷新河南宮大震邑令問計於杜孝廉鎮

鎮曰丁子嘯野可謀也嘯野名繹延至縣署繹曰邑南張建
白冀州趙濬之二君得其一則事可圖也以書召之建白領
鄉兵至守禦甚嚴賊聞有備竟不來咸豐十一年夏津土匪
于洛體倡亂入清河油坊等處擄掠一空清河民團軍械不
備南宮棗強協助之擊賊於黃金莊賊乃南驛同治元年臨
清教匪宋景詩聚眾倡亂攻威縣勝保勦之遂降隨軍至陝
西復謀叛率其眾驛回河北是年冬突入南宮欲肆劫掠知
縣陳鳳藻集民團戒嚴景詩知有備逸去甫出境卽叛次月
餘黨百餘折回南關團勇登城固守賊黨不敢逞而去同治
元年莘縣賊張錫珠屢擾孫村蘆花鎮爾家鋪等村縣令陳
鳳藻與邑紳鮑雲翥率練勇擊之乃北驛冀州以後往返縣

境者數次邱村團爲賊所挫劉汝梅等死之岳悅村以烏鎗
土礮斃賊無算郝家屯募勇亦迭有斬獲歲除日賊攻東城
官軍二百餘人與城團協擊賊復北屨冀城計擾境三閱月
四鄉蹂躪殆徧焚掠慘酷卒以堅壁清野始不再犯蓋有清
一朝畿疆除粵匪捻匪外無巨寇大戰粵捻入境之大股亦
未經此邦土寇竊發餘捻奔竄畧如上述而已光緒二十五
年山東拳匪驟起南宮與山東毗連設壇習拳殺掠教民時
有所聞二十七年各縣按畝輸捐賠卹教案廣宗景廷賓聚
眾抗捐南宮東八牌亦應之景廷賓伏罪而東八牌仍不解
散官軍擊之於交馬寨死亡無算有清一代之變亂止于是
矣民國肇造全國盜匪充斥無乾淨之土二十餘年民間直

視若固有間可憶及者隣縣棗強邱縣之匪于七年八年皆曾入境肆掠十年東南諸區匪警太甚民遷避城內者不絕警兵與匪戰于鄭家堤村遂開全縣會議立保衛團募丁三百人增加畝捐以資勦禦願匪之猖獗如故也十七年紅槍會匪又起凡三四千人徧布縣境擾民與匪等警團協力逐之警長王慶仁殉焉擒斃匪首數人而垂楊鎮喬村王道寨諸處痛勦會匪死者無數十七年都水七里口等處斃匪甚眾團丁死八十三人二十年著匪劉桂堂叛中央據南宮城官軍逐之繼以巷戰桂堂始遁凡皆民國以來變亂之有紀者實則無地無匪無歲無匪與全國無以異也至軍隊駐居城鄉爲清代軍紀之厲禁民國則習見不怪矣其可紀者十

二年官軍駐城內十四年國民二軍鄭庠部駐縣城軍需供給皆甚鉅地方由是困弊十七年春直魯軍敗退經縣之東南諸村掠去人物畜產一空十九年晉軍西退經過供億浩繁二十年冬商震軍復來駐縣二十一年商軍去而沈克接駐勒罰煙民八九萬元軍分會嚴令制止之事乃已二十二年沈軍北去徵發人夫車輛地方苦之二十三年繼沈軍駐縣者則爲騎兵第六師師長白鳳翔時積匪劉桂堂又自察邊南竄所至爲墟者十餘縣矣旋竄至南宮邊村安子窩諸村知事李卓文與鳳翔布防得宜雖兵士稍有傷亡而腹地無驚故商民咸白李之惠獨深蓋民國外來客軍但爲地方勦禦匪患輒爲感激而駐城舍供餉糈皆視爲固然矣

南宮縣志卷二十二終

邑人邢之襄校